

В.М.Лудькова, Т.В.Канева (Сыктывкар)

ЭЖВА ЙЫВСА СЁРНИСИКАСЫН СКАЗУЕМӨЙЛӨН АСЛЫСПӨЛӨСЛУН

Коми сёрнисикасьяс кö фонетика, лексика да грамматика боксянь бура нин туялöма, то синтаксис боксяньыс пöшти абу на видлалöма. Тайö гижöдторьяс шыödчам Эжва йывса сёрнисикас дорö да видлам вöчны сёрникузялөн сюрöса член — сказуемöй йылысь некымын пасйöд. Медводз

колѳ тѳдчѳдны, мый сѳрникузьясыслысь грамматическѳй подувсѳ гижѳд кывйын моз жѳ артмѳдѳны подлежащѳй да сказуемѳй либѳ сѳмын сказуемѳй. Сказуемѳйсѳ позыѳ юкны глагольнѳй да нима вылѳ, а сѳдзжѳ урчитан петкѳдлѳм вылѳ, а тѳчас сертиыс прѳстѳй, составнѳй да сьѳктѳдѳма вылѳ.

Сказуемѳйсѳ видлалѳгѳн тыдовтчѳ, мый тшѳкыда паныдасыслысьнас лѳ прѳстѳй глагольнѳй сказуемѳй, кодѳ уна сикас вежѳртас петкѳдлѳ. Сѳйѳ вермас лоны быд сикас кад, залог, видѳвѳй формаын. Но чукѳртѳм материалсыс тыдовтчѳ, мый танѳ вывтѳ шѳчѳсь II локтан кад формаа кадакывьяс. Буракѳ, сы вѳсна, мый аналитическѳй локтан кадыс артмѳ да ѳнджыкасѳ сѳвмѳ гижѳд кывйын, и та вылѳ ѳна тѳдчѳ рѳч кыв.

ѳжва йыв сѳрнисикасас ѳна сѳвмѳмаѳсь сѳтшѳм сказуемѳйяс, кодьяс оз сѳмын юѳртны действие йывсыс, но и кутѳны содтѳд вежѳртасьяс, содтѳд рѳмьяс, уна ног доньялѳны кадакывнас нимтѳм действиесѳ, тѳдчѳдѳны действие мунанногсѳ, петкѳдлѳны сѳрнитысьыслысь действие дѳнас уна сикас отношение, кутѳны эмоциональнѳй, экспрессивнѳй рѳмьяс. Сѳрникузясѳ ставнас найѳ вѳчѳны зѳв выразительнѳйѳн. Зѳв лѳсяланабсь лѳѳны йѳзкост сѳрнилы. Татшѳмьяснас лѳѳны медводз кывторья сказуемѳйяс. Тайѳ сѳрнисикасас кывторьясыс ѳна сѳвмѳмаѳсь. Сказуемѳй дѳнас йѳтчѳны сѳтшѳм кывторьяс, кодьяс эмѳсь гижѳд кывйын, мукѳд сѳрнисикасын (*a, тай, да, и* да с.в.), кодьяс тайѳ сѳрниас торьялѳны фонетика боксянныс (*э, эмей, инѳ, инѳсь, нѳсь, же, вед, пе* да с.в.), но танѳ сѳвмѳмаѳсь зѳв аслысьямаяс: *над, й, туно, тонѳдѳсь, таанѳ* да с.в.. Быд кывтор вермѳ кутны уна вежѳртас, сетны сказуемѳйыслы содтѳд рѳмьяс. Видлам вайѳдны медшѳбрьяссѳ.

ѳжва йыв сѳрниын ѳна пасьякалѳмаѳсь -а, -йа кывторьяс: а-ыс сулалѳ согласнѳй вылѳ помасысь кадакыв бѳрын, а йа-ыс гласнѳй вылѳ помасысь бѳрын. Найѳ вермѳны кутны уступительнѳй рѳм, паныд сувтѳдана вежѳртас. Сѳрникузьяс нимтѳма кѳ кык действие, частицатѳм кадакывнас тѳдчѳдѳм действиесыс оз вѳчсьы, кѳть а частицаа кадакывнас петкѳдлѳм действиесыс вѳчсьѳ, и мѳдарѳ, водзѳа кадакывнас нимтѳм действиесыс вѳчсьѳ, кѳть частицаа кадакывнас петкѳдлѳм действиесыс оз вѳчсьы. Татшѳм тѳчасьясас тыдовтчѳ действиесыслысь эскѳдѳм да соссьѳм серти паныд сувтѳдѳмсѳ: *ѳз лок, кѳсийс-а* (вежѳртасыс: *кѳсийс*, но *ѳз лок*, кѳть и *кѳсийс*, но *ѳз лок*); *локтѳс ѳз кѳсий-а* (вежѳртасыс: *локтѳс*, кѳть и *ѳз кѳсий*, *ѳз кѳсий*, но *локтѳс*). Татшѳм сказуемѳйяс петкѳдлѳны и лѳсявтѳм действиес, состояниес: *уз'е-йа, синмыс вос'са*.

А, йа кывторья сѳрникузьясыс матынѳсь но сочинительнѳй союза сѳрникузьяс дѳнѳ, кѳть подчинительнѳй союза сложнѳйяс дѳнѳ. Сѳтшѳмьяснас кадакывьясыслѳн иныс вежсьѳ: *кѳсийс*, но *ѳз лок*; (кѳть и *кѳсийс*, *ѳз лок*).

Сказуемѳй дѳнас йѳтчысь а кывторйыс вермѳ тѳдчѳдны, мый сѳрнитысьыс вѳзйѳ, а вѳмьѳртыс ачыс бѳрйѳ, вѳчас-ѳ сѳйѳ тшѳктѳм действиесѳ, а вѳчас кѳ сѳйѳ тшѳктѳмторсѳ, то сѳйѳ вѳчас ас вѳля сертиыс. Повелительнѳй

наклонениеа кадакывнас петкөдлөм тшөктана вежөртассо а кывторйыс небзьөдө, вомгьертгыслы действиесө абу быгь вөчнысө. Тайо вежөртассо а кывторйыс петкөдлө колэкэс' пыртана кывкөд: колэкэс' юй-а (вежөртасыс: ме сета, тшөкта юны, а ті сэсса асьныд нин тданныд, юанныд он).

А, -йа кывторйыс вермас петкөдлыны, мый сёрнитысьыслөн мөвпыс абу помасьома, мый кывторья сказуемойнас петкөдлөм действие бөрас колө лоны нөшта на кутшөмкө действиелы, а кутшөм, кодлөн действиесы лоо либө оз ло, сёрнитысьыс та йылысь оз төд, сийө сөмын төдө сы йылысь, мый а кывторья кадакывнас петкөдлөмторйыс — тайо мөд воддза лөбмтор: Первөй миян локтэмэс'-а.

А, -йа кывторьясыс тшөкыдөсь юалана сёрникузясыс, найө төдчөдөны юалөмсө лөсьөдигөн сёрнитысьыслысь стөча төдөмлунсө, майшасьөмсө, мөвпалөм-падьялөмсө. Юалөм вылас вочакывйыс пырджык оз и ков: Мый бара вөча-йа? Коді бара локтө-йа?

Сказуемөй дінас йитчысь эмэй, мэй, э-ө, ал'и, мый кывторьяс сетөны сёрникузяыслы юалана вежөртас, стөча төдгөмлун, майшасьөм, шензьөм, чуймөм: Колэ-э гудөкыс? Юртө куштисны эмэй?

Эжва йыв сёрнисикасысь поэьө аддзыны зэв аслысьяма над кывтор. Сийө кутө условие вежөртас: Гажид быри над, воли дай.

Тані зэв өна паськалөма -й- кывтор, коді нуө вынсьөдана, содтана вежөртас, лыддьөдлөм действиесы серти кывкөртөд вөчө: Кипом роботатэ кэрэ-й, ставсө же кэрэ-а. Чуксовки асводзин оз ков, чэтчэ-й (ВВД, с.221)*.

Вынсьөдана вежөртассө кутө и вед кывтор: нөйта вед.

Мукөд сёрнисикасыс моз жө тані зэв өна вөдитчөны тай кывторйөн. Сийө пырджык йитчө сказуемөй динө да вермө петкөдлыны уна сикас вежөртас. Шуам, сийө төдчөдө, мый сказуемөйнас петкөдлөм действиесы сёрнитысьыслы абу зэв көсьяна, колана: Уска дяд'ыд локтис тай. Вермас лоны и мукөд вежөртас.

Инэ, инэс', нэс' кывторьяс индөны сы вылө, мый сёрнитысьыс сөгла-ситчө действиесө вөчны, сетө позянлун, разрешайтө вомгьертгыслы дей-ствиесө вөчны, вермө петкөдлыны и кывкөртөд: Ветлы инэс', эн дыр тол'кэ. Мед инэ ювө, лок инэс' верман кэ (ВВД, с.124). Ветла инэс'.

Сказуемөй динө йитчысь тунө (Мыс), таанэ (Немдин, Кулөмдин), тонэ (Аныб, Воч, Деревянск, Керчөмья), тонэдэс' (Руч) индана кывторьяс вынсьөдөны, төдчөдөны действиесө, кыскөны вниманиесө сы вылө: Таанэ локтэмас'. Вөчөны тонэдэс'. Тонэдэс' локтэмас' (ВВД, с.124).

Мэй кывтор вынсьөдана вежөртас жө кутө, сийө эскөдана сёрникузяыс-лы вермө сетны соссяна вежөртас, висьталан действиесө ыджыд вынөн соссьө; тайө кывторнас сёрнитысьыс доньялө действиесө, доньялөмыслөн

* Примерьяссө, көні абу татшөм пасыс, чукөртис Т.В.Канева 1997-1998 воясө Кулөмдин районса сиктгысысь.

тыдовтчö негативнöй рöм: Мунас мэй сия чай ютöг (Немдін) (вежöртасыс: оз мун чай ютöгыс).

И кывтор тшöкыда нуö результат, кывкöртöд вежöртас: Луныд помасиси.

Мукöд сёрнисикасын моз жö тані сөвмöма да кывтор. Сылön зэв уна вежöртасыс. Вайöдам сöмын öтиöс: сійö вермö вынсьöдны, эскöдны вись-таланторсö: Кодэс нэ? Мийан эд куйим да. Мийан эд тайа пэрвой кöт' да чувки-кэпис'ид эс'кэ эм да (ВВД, с.221).

Прöстöй глагольнöй сказуемöй дорас тшöкыда сулавлö некымын кывтор: сийа мунис жэ код' эс'кэ да. Öнi вэд ог эй же н'ин вöчöй.

Кывторъясыс быдпöрйö сьöктöдöны прöстöй глагольнöй сказуемöйсö. Татшöм ногөн сьöктöдöм сказуемöй кындзиыс сёрнисикасас тшöкыдöсь и мукöд сямá сьöктöдöм прöстöй глагольнöй сказуемöйяс. Действиеыслысь ёна, ыджыд вынön, дыр мунöмсö тöдчöдöм могысь кадакывсö унапöрйö кыкысь шуöны: Лэт'чи, лэт'чи да вовис зэл куз' вол'ин (ВВД, с.223). Абу-кайтэни, абукайтэни вед тол'ке.

Тырвийö соссяна сёрникузясыс соссяна вежöртассö тöдчöдöм могысь кыкысь шуöманас овлö соссяна кадакывйыс: Оз, оз вош сийа тэнэд н'экыг'чэ. Ог, ог пукс'эй, ог водзэ мунэй.

Сьöктöдöм прöстöй глагольнöй сказуемöйыс зэв тшöкыда артмö изобразительнöй да медшöр кадакывьяс йитöдысь; водзэыс тöдчöдö медшöр кадакывнас нимтöм действиеыслысь мунанногсö, донъялö действиесö, петкöдлö коммуникантыслысь действие дорас отношениесö: Мöдис' ме бузэпти-лыи (ВВД, с.223). Лöс'ида и крапкис-шуис вочасö. Бара этийэ гул'сйэма-юöма.

Действиеыслысь ёна, ыджыд вынöм мунöм-вöчсьöмсö, тöдчöдöм могысь морта кадакыв водзас унаысь содтöны сэтшöм жö кыввужья деепричастие: Л'ёкыс' чирзöмөн чирзö. Ыджыда сот'чэмэн сот'чис кон'эрлön керкаыс. Менам öт'и дуд'н'ик вöлли жэ. И сийа бат' чойлис' корэмэн корли да с'этлис (ВВД, с. 224).

Сьöктöдöм сказуемöйяс морта кадакыв водзас вермö сулавны сэтшöм жö кыввужья инфинитив. Татшöм тэчасьясас зэв унаысь овлöны эськö, да, жö, небось кывторьяс, кöть эськö найö абу быть коланабсь: Кöсйыс'ны кöсйыс'ис эс'кö да, н'инöм тай эз артмы-а. Н'ан'тö эс'кэ пуктыны пуктывлим жö да. Н'эбос' шуны шуан н'инöм абусö (Немдін).

Инфинитивкöд составнöй глагольнöй сказуемöйсö артмöдысь унджык фазиснöй да модальнöй кадакывйыс гижöда кывйын да мукöд сёрнисикасын кодъ жö, но видлалöм материалыс петкöдлö, мый тані эмöсь содтöд отсасян кадакывьяс: зырöдны, öвсьыны, чöвтлыны, сызыны, мöдны, чöстыны.

Зырöдны кадакывйыс кутö заводитны фазиснöй кадакывлысь вежöртассö. Но сійö индö оз сöмын действие заводитчöм вылас, но и сылön мунанног вылас, сійö тöдчöдö, мый действиесö заводитöны вöчны ыджыд

вынабн, мый вынсьыс, а тшөкыда — и лёкыс: Асывводзс'ань зырөдө уджавны (Мыс). Куз' киаыс тышкас'ны зырөдис. Ме н'инөм на эг шу, а сийа зырөдис тышкас'ны (Парч).

Действие заводитчөм вылас тани вермө индыны и вөрзыны (вөрзбдчыны) кадакыв: Прамөйа код' вөрз'ис котөртны. Уджавны вөрз'өдчис сөмын на.

Фазисной вежөртасас вөрзыны кадакывсө 20-өд воясө Тима Вень пыртлис гижөда кывйө (сывны нин вөрзбма лым), но сэни сийө ёнасө эз паськав.

Фазисной вежөртасын паныдасьлө и уськөдчыны кадакыв. Мукөд сёрнисикасас тайө кадакывийыс индөм вежөртассө вермө жө босьтны, но сылөн йитөдыс наын зэв векныд, тайө вежөртасас сы динө вермө йитчыны сөмын котөртны инфинитив. Эжва йыв сёрнисикасын уськөдчыны кадакывийыслөн йитөдьясыс ёна паськыджыкөсь, сы дорө вермөны йитчыны разной вежөртаса кадакывьяслөн инфинитивной формаас: Ус'көдчывлис пурны кокөд, любай (Парч.). Коркөйа моз вөравны ус'көдчывлис пöрыс'ыд.

Өвсьыны отсаян кадакыв петкөдлө действие помасьомсө, но сийө паныдасьлө сөмын сёрнитөм вежөртаса инфинитивьяс дорө йитчөмөн. Тайө кадакывийыс вермас лоны и мукөд сёрнисикасын, но сөмын тшөктана наклонение формаын (өвсьы сөрныгтө), а видлалан сёрнисикасын өвсьыны кадакылыс вермас лоны и тшөктана, и изьявительной наклонениеын: Өвс'ы первой горзыныгтө да вөлис'. Кагас дзик на н'эважөн өвс'ис горзыныгтө.

Дугдыны отсаян кадакывлысь вежөртассө тайө сёрнисикасас кутө чөвлыны кадакыв: Чөвлы сёрн'итны муртсук кежлө (Мыс.).

Эжва йыв сёрнисикасын көсийны модальной отсаян кадакывлысь вежөртассө кутө чөстыны кыв: Оз чөс'т'и с'ойны.

Гөгөрвоны модальной кадакыв пыдди Эжва йылын паныдасьлө путьмыны: Сийа вед оз пуг'мы н'инэм кэрнийис (ВВД, с.124).

Безличной серникузясын коланлун модальной вежөртассө кутөны колө, лоө, кооз'е, ковз'ыны отсаян кадакывьяс: Абу жэ колэма шуны. Бэд'доны колө сийэ ас'сө. Бат'тө колө отсыштны. Н'эм кадтэм кадэн тай лови кувны. Аски кооз'ас ветлины. Кооз'ас кэ, витис' вайан (ВВД, с.125).

Ковз'ыны отсаян кадакывнас тшөкыда вөдитчылис В.А.Савин аслас 20-өд воясса гижөдьясас: Дыр ковзяс та йылысь висьтавыны. Ковзяс уна вын первой пуктыны эмбур кыпөдөм вылө. Ковзяс восьтавыны зэв унатор выльысь: фабрикаяс, заводьяс (Нёбдинса Виттор, 1981, с.168-170.). Но гижөд кывйө сийө эз пыр.

Видлалан сёрнисикасас сөвмөмаөсь и нима сказуемөйяс. Татшөм сказуемөйсө артмөдоны пырджык нимтан да косвенной падежа эмакывьяс, кывбердьяс. Колө пасйыны, мый тани сказуемөй пыдди мунысь адективной кывьясыс паныдасьлөны пырджык подув формаас, тшөтш и рочысь пырөм кажитчыны кадакыв-связка дорө йитчигөн: Мэн тай Аннушка ой-ой

кажитчэ шан'-а (ВВД, с.221). Мэн эс'кэ тайа зэл на-й жал' вöли кажитчэ (ВВД, с.221).

Тайö сёрнисикассыс тыдовтчис зэв аслыссяма кывберд — рэз'эб, код динö йитчö инфинитив да артмö öтувъя сказуемöй: Сийа уджоон'иид рэз'эб (ВВД, с.102). Эжва йыв сёрнисикасас рочысь пырöм рад, дженьыд формаа кывберд вермас лоны оз сöмын кык сюрöса члена сёрникузьяын нима сказуемöйөн: Мэ рад отсавны сылы, но и öти сюрöса члена безличнöй сёрникузьясын предикативнöй подувнас, сийö вермö вуджны безлично-предикативнöй кывйö: Налé рад ловэ (ВВД, с.82).

Сёрникузьясылысь грамматическöй подувсö видлалигөн тыдовтчис нöшта öти аслыспöлöслун: тайö сёрнисикасас эмакывйөн петкöдлöм подлежащöй да 3-öд морта уна лыда кадакывйөн петкöдлöм сказуемöй костын унаысь оз овлы лыд сертигыс лöсялöмыс (координациясы): Н'ылöдчис öшин'йасыс. Кыкнанид кэ шан', воча он л'укас' (ВВД, с. 219). На костын ладмыгöмыс пыр öти пöлöс: подлежащöйыс уна лыдын, а сказуемöйыс — öткаын. Эз сюр ни öти пример, мед эськö сказуемöйыс сулалéс уна лыдын, а подлежащöйыс öткаын. Но подлөдждащöйсö кө петкöдлöма нимвежтасөн (морта, юалана да с.в.) сказуемöйыскöд лыд формаас лöсялöмыс пыр эм: Ме муна. Ставныд муной.

Гижöда кывйын, мукöд сёрнисикасын вуджана кадакыв прöстöй глагольнöй сказуемöй функцияын веськöдлö керан падежөн, а тайö сёрнисикасас татшöм кадакыв-сказуемöй бердас веськыд объектыс сулалö подув формаас, а оз керан падежын. Тани оз босьтны керан падежлысь суффиксö веськыд объект пыдди мунысь ловъя предмет нимтысь нимвежтасьяс, индана нимвежтасьяс: Лабич кузялатö велöд найа. Найэ кэр дорэ ыстэни. Вуджтöм кадакыв-сказуемöйыс тайö сёрнисикасас вермö веськöдлыны керан падежөн: Сэс'с'а сийа тадзи уджалас воччинатö. Йыла вэк му уджали, видз уджали. Важэн вöли гöрам пу гöрийэн, кокас'ам муястэ (ВВД, с. 226).

Сидзкö, Эжва йыв сёрнисикасын сёрникузьясылысь грамматическöй подувсö артмöдысь сказуемöйсö петкöдлöмын тыдовтчö кутшöмсюрö аслыспöлöслун. Дерт, татшöм сямá торъялöмыс сёрнисикасас ёна унаджык, тани дженьыдика гаралöма сöмын öткымын йылысь. Сёрнисикасылысь синтаксиссö (мукöдлысь моз жö) колö туявны водзö, пыдисянь, быд боксянь, öд сёрнисикасьясыс лöбны гижöд кыв сöвмöдöмын, озырмöдöмын медшöр öшмöсөн, кыв история туялöмын подулөн.

Литература

ВВД — В.А.Сорвачева, М.А.Сахарова, Е.С.Гуляев. Верхневыхегодский диалект коми языка. - Сыктывкар, 1986.

Небдинса Виттор. Мусюр сайын. - Сыктывкар, 1981.